



PROCESI Istraga protiv osramoćenog tužioca privodi se kraju

Salihović uskoro na optuženičkoj klupi!

Na istrazi angažirana dva tužioca, saslušano više svjedoka, mahom tužilaca • Salihovića odali i telefonski razgovori, u prilog mu ne idu dokazi **SIPA-e**

Teško kompromitiranog Gorana Salihovića, suspendiranog glavnog državnog tužioca, uskoro očekuje sudski proces, jer bi Tužilaštvo BiH najkasnije sredinom juna trebalo podići optužnicu protiv njega za više krivičnih djela za kojase sumnjiči!

Brojni dokazi

Istraga koju po naredbi Tužilaštva BiH vodi **Državna agencija za istrage i zaštitu (SIPA)**, koja je protiv Salihovića i podnijela krivičnu prijavu 12. oktobra prošle godine, pri samom je kraju, a tužilački dvojac Emir Nerađin i Suada Pašić, saznajemo, uspio je prikupiti brojne dokaze da je Salihović učestvovao u mnogim nezakonitostima i da je očigledno počinio, prije svega, krivično djelo zloupotrebe službenog položaja i ovlasti.

I dok nervozni Salihović na disciplinskim ročištima, a po optužbi Ureda disciplinskog tužioca, pokušava uvjeriti članove Prvostepene komisije da je nevin, činjenice i dokazi saslušanih svjedoka - njegovih bivših tužilaca i sara-

dnika, govore suprotno. Pogotovo što se dio disciplinske tužbe odnosi i na krivičnu istragu, a dokazi i svjedoci koje ima i koje je saslušalo



Salihović: *Narušio kredibilitet Državnog tužilaštva*

Grubešić: Predmet u radu

Boris Grubešić, portparol Tužilaštva BiH, rekao nam je jučer, na naš upit je li istraga u predmetu protiv Gorana Salihovića pri kraju, da je: „Predmet u radu.“ Kako

nezvanicno saznajemo, istraga protiv Salihovića vodi se diskretno, zbog činjenice da u Tužilaštvu i dalje rade osobe koje su mu bliske i koje bi mogle ugroziti njen tok.

Tužilaštvo demantiraju Salihovićeve žalopojke da je nevin.

Da Salihović ne govori istinu, pokazi

zali su mnogi predmeti koje je stopirao i krijo u ladicama, a Tužilaštvo nakon njegove suspenzije ponovo počelo raditi i istraživati.

Salihovića, saznajemo, kompromitiraju i brojni telefonski snimci na kojima se čuje kako daje nezakonite upute svojim savjetnicima, prije svega bivšem šefu kabineta Hasanu Plehu. Na snimcima, koji su u posjedu Tužilaštva BiH, kompromitirani Salihović, umjesto tužilaca, daje prijedloge i upute kako da se postupa u kojem predmetu, koga treba nadgledati i pratiti, a kome treba „SIPA disati za vratom“.

Sijela kod „prijatelja“

Ovaj osramoćeni suspendirani glavni tužilac, koji je svojim ponašanjem narušio kredibilitet Državnog tužilaštva, tokom sudskog postupka morat će objasniti i brojne malverzacije, prije svega javnim nabavkama, ali i šta se događalo na brojnim sijelima kod „prijatelja“ koji su se ogriješili o zakon, a kod kojih je znao provesti noći. **M.AŠČIĆ**